

Daim Ntawv Qhia Txog Qhov Tseeb #28E: Kev Thov Mus So raws li Txoj Cai Mus So Tu Tsev Neeg thiab Muaj Mob

Txoj Cai Kev Mus So Tu Tsev Neeg Thiab Muaj Mob (Family and Medical Leave Act, FMLA) muaj kev tiv thaiv txoj hauj lwm rau kev mus so tu ib tus neeg muaj mob hauv tsev neeg, muaj mob ntawm tus kheev. Daim ntawv qhia qhov tseeb no piav qhia txog qhov cov neeg ua hauj lwm yuav thov kev mus so raws li txoj cai FMLA tau li cas.

NTSIG TXOG CAI FMLA

Txoj Cai FMLA muaj kev tiv thaiv cov neeg ua hauj lwm kom muaj feem mus so uas ua hauj lwm rau cov chaw hauj lwm txoj cai khoo thaum tsim nyog mus so tu tsev neeg thiab muaj mob nkeeg thiab yuav tsum tau txais kev pab cov nqi kuaj mob ib yam li thaum lawv tseem ua hauj lwm tsis tau mus so. FMLA kev mus so tej zaum yuav tsis them thaum mus so los sis yuav tsis siv tau rau tib lub caij mus so uas chaw ua hauj lwmmuaj kev them nyiaj rau sijhawm mus so. Cov neeg ua hauj lwm yuav tsum rov mus ua txoj hauj lwm qub los sis txoj hauj lwm txawv tsis ntau li txoj qub thaum lawv rov qab mus ua hauj lwm tom qab tau so raws li txoj cai FMLA.

Cov neeg ua hauj lwm uas mauj feem: Cov neeg ua hauj lwm muaj cai mus so yog tias lawv:

- ua hauj lwm rau ib lub chaw ua hauj lwm tau tsawg kawg yog 12 lub hlis lawm
- tau ua hauj lwm tsawg kawg yog 1,250 teev rau lub chaw ua hauj lwm ntawm 12 lub hlis ua ntej lawv yuav pib FMLA mus **thiab**
- ua hauj lwm rau ntawm ib lub chaw ua hauj lwm uas muaj 50 tus neeg ua hauj lwm nyob ib cheeb tsam 75 mais kev.

Cov chaw ua hauj lwm txoj cai khoo: Cov chaw ua hauj lwm txoj cai khoo raws li FMLA muaj xws li:

- Cov chaw ntiav neeg ua hauj lwm muaj txog 50 leej los sis ntau tshaj nyob rau 20 lub lim tiam los sis ntau tshaj nyob rau lub xyoo nyob lub xyoo no los sis lub xyoo dhau tas los
- Cov chaw laj kam tsoom fwm, suav nrog tsoom fwm qib siab, tsoom fwm xeev thiab tsoom fwm hauv zej zos, txawm tias yuav muaj cov neeg ua hauj lwm npaum li cas
- Cov chaw qhia kev kawm ntawv hauv zej zos, suav nrog cov pawg saib xyuas tsev kawm ntawv tsoom fwm, cov chaw kawm ntawv qib me nyuam me thiab tsev kawm ntawv theem nrab, thiab cov chaw kawm ntawv uas sau nyiaj qhia ntawv rau me nyuam yaus thiab theem nrab, txawm yuav muaj cov neeg ua hauj lwm pes tsawg leej los xij.

Txoj Cai FMLA tiv thaiv mus so hauj lwm yog:

- Lub caij tau ib tus me nyuam tsiab los sis tus neeg ua hauj lwm tau txais ib tug me nyuam yaus los tu ua yus me nyuam los sis coj los pab tu ub ntus.
- Qhov kev los tu ib tug me nyuam yaus, tu tus txij nkawm, los sis ib leej niam leej txiv uas nws muaj ib tug mob loj.
- Ib tug mob loj uas ua rau tus neeg ua hauj lwm tsis muaj peev xwm mus ua hauj lwm.

- Mus so vim hauv tsev neeg muaj neeg uas mus ua tub rog, muaj xws li
 - Kev mus so uas muaj xwm txheej ceev—mus so vim tsev neeg tus neeg yuav tau xa mus ua tub rog nyob txawv teb chaws
 - Kev mus so vim mus tu tsev neeg tus neeg ua tub rog —mus so tsev neeg ib tus neeg tab tom mus ua tub rog los sis yog qub tub rog uas raug mob loj los sis muaj mob

Yog xav paub ntau ntxiv txog txoj cai FMLA, mus saib ntawm Daim Ntawv Qhia Qhov Tseeb #28.

CEEB TOOM RAU LUB CHAW UA HAUJ LWM TIAS KOJ XAV TAU KEV MUS SO RAWLS LI TXOJ CAI FMLA

Kev yuav mus so rawls li txoj cai FMLA, cov neeg ua hauj lwm yuav tsum ceeb toom rau lawv lub chaw ua hauj lwm. Thawj zaug uas ib tug neeg ua hauj lwm thov mus so rawls li txoj cai FMLA, tus neeg ua hauj lwm tsis tas piav txog tias yuav mus so yog FMLA thiaj tau kev tiv thaiv rawls li txoj cai. Tab sis, tus neeg ua hauj lwm yuav tsum qhia kom meej rau lub chaw ua hauj lwm kom paub tias qhov kev mus so no tej zaum yuav yog kev mus so tiv thaiv rawls li txoj cai FMLA.

Piv txwv li:

- LaTarsha tus txij nkawm, uas yav dhau los yeej noj qab haus huv zoo, tau muaj ib tug mob loj. LaTarsha qhia rau nws lub chaw ua hauj lwm tias nws xav tau kev mus so mus tu nws tus txij nkawm muaj mob uas raug mus pw tim tsev kho mob ib hmos lawm, thiab nws kwv yees tias yuav tawm mus so kom tas lub lim tiam no. Nge lus piav qhiano yog qhia txaus rau lub chaw hauj lwm kom paub tias LaTarsha qhov kev thov mus so no tej zaum yuav yog tiv thaiv rawls li txoj cai FMLA. Yog tias LaTarsha tsuas qhia tias nws tus txij nkawm muaj “mob” xwb—tsis qhia kom meej—nws yuav qhia tsis txaus rau lub chaw ua hauj lwm kom lpaub txog tias qhov kev thov mus so ntawd yuav tsis tiv thaiv rawls li txoj cai FMLA.

Taug qab qhov kev thov. Thaum ib tug neeg ua hauj lwm kev cho cai siv txoj cai FMLA mus so rau ib qho muaj mob, nws kuj yuav siv tau kev mus so rau tib qhov mob ntawm uas yog lwm zaus nyob rau thaum tib lub xyoo ntawd. Nyob rau kis zoo li no, tus neeg ua hauj lwm yuav tsum qhia lub tus mob qub es xav tau kev mus so los sis xav siv txoj cai FMLA mus so thaum nws xav mus so dua rau qhov mob ntawd, los qhia meej kom lub chaw ua hauj lwm paub tias nws yog tiv thaiv rawls li txoj cai FMLA.

Txheej txheem kev thov mus so. Kev FMLA thov mus, cov neeg ua hauj lwm yuav tsum ua rawls li lub chaw ua hauj lwm cov txheej txheem ib txwm si los mus thov kev so, uas yog lawv ua tsis tau rawls cov txheej txheem kev thov mus so vim muaj xwm txheej lawv ua tsis tau.

Piv txwv li:

- Lub chaw ua hauj lwm nws cov caithiab txheej txheem yuav tsum kom cov neeg ua hauj lwm sau ntawv mus rau lawv tus thawj saib xyuas hauj lwm rau txhua zaum lawv thov mus so. Thaum Kathleen xav mus so rau nws tus kheej, nws sau ntawv thov xa mus rau tus thawj saib xyuas hauj lwm. Thaum Jim xav tau kev mus so txoj cai FMLA coj nws leej niam leej txiv kuaj mob, nws sau ntawv thov xa mus rau tus thawj saib xyuas hauj lwm. Tab sis, thaum McKenzie mob ceev ceev es cia li cov mus tim tsev kho mob lawm, nws tsis muaj peev xwm ceeb toom rau tus thawj saib xyuas hauj lwm paub thiab sau tsis tau ntawv thov. McKenzie

tus txij nkawm hu xov tooj mus rau McKenzie lub chaw ua hauj lwm piav qhia tias McKenzie xav tau kev mus so hauj lwm vim yog nws muaj mob kub ntxhov ceev.

THAUM TWG THIAJ YOG CAIJ QHIA RAU KOJ LUB CHAW UA HAUJ LWM PAUB TIAS KOJ XAV TAU KEV MUS SO

Thaum koj twb paub lub caij koj yuav mus so ua ntej lawm. Piav dav dav, thaum ib tug neeg ua hauj lwm twb **paub ua ntej lub caij xav tau kev mus so**, nws yuav tsum ceeb toom ua ntej tsawg kawg yog 30 hnuv yog tias ua tau li ntawd thiab yeej ua tau li ntawd. Piv txwv li, yog ib tug neeg ua hauj lwm twb teem caij tau yuav mus phais mob rau ob lub hlis tom ntej, qhov xav tau kev mus so no yeej paub ua ntej lawm thiab nws yuav tsum ceeb toom ua ntej tsawg kawg yog 30 hnuv.

Yog tsis muaj peev xwm ceeb toom ua ntej 30 hnuv vim muaj xwm txheej pauv ua tsis tau los sis tus neeg ua hauj lwm tsis paub tseeb tias lub caij thaum twg yog yuav tau mus so, tus neeg ua hauj lwm yuav tsum ceeb toom qhov xav kev mus so kom sai li sai tau thiab ua raws li qhov siv tau.

Nyob rau cov kev mus so txoj cai FMLA vim yuav tau tawm sai mus ua tub rog, tus neeg ua hauj lwm yuav tsum tau ceeb toom txog qhov kev xav tau mus so ntawd kom sai li sai tau thiab raws li qhov siv tau, txawm tias qhov xav tau kev mus so ntawd tseem tshuav ntev li cas los xij.

Rau **qhov tau npaj mus kho mob**, tus neeg ua hauj lwm yuav tsum sab laj nrog lub chaw ua hauj lwm thiab npaj teem sij hawm mus kho mob rau thaum lub caij tej hauj lwm tsawg thiaj tsis muaj kev cuam tsuam tej dej num ntawm chaw hauj lwm. Tus neeg ua hauj lwm yuav tsum sab laj nrog lub chaw ua hauj lwm ua ntej teem caij mus kho mob es thiaj li yuav npaj tau lub sij hawm uas haum tshaj rau tus neeg ua hauj lwm thiab lub chaw ua hauj lwm. Tseeb tiag, qhov teem caij mus kho mob yuav yog kws kho mob tso cai pom zoo.

Thaum lub caij mus so uas koj tsis paub ua ntej. Thaum ib tug neeg ua hauj lwm **xav tau mus so uas sai sai nws tsis paub ua ntej**, tus neeg ua hauj lwm yuav tsum ceeb toom rau lub chaw ua hauj lwm sai li sai tau thiab ua raws li qhov siv tau. Tab txawm tias qhov xav tau kev mus yog sai sai uas tsis paub ua ntej los xij, nws yog qhov dav dav thiab ua raws li qhov siv tau rau to neeg ua hauj lwm los ceeb toom txog qhov kev mus so tsis pub dhau lub sij hawm yuav tau thov raws li lub chaw ua hauj lwm qhov kev thoj mus so thiab cov kev thov ib txwm siv.

Piv txwv li:

- Derrick tus me nyuam muaj tus mob hawb pob ua tsis taus pa, thiab Derrick tau coj tus me nyuam mus tim chaw kho mob pab cawm sai sai. Nyob rau qhov nov, yuav tsis khoo tau kom Derrick tso tus me nyuam tseg thaum tus me nyuam tseem tab tom txais kev pab kho tus mob es cia li mus ceeb toom rau chaw hauj lwm tias tuaj ua tsis tau hauj lwm. Thaum sij hawm ncuva tau thiab raws lis siv tau rau Derrick los ua, Derrick yuav tsum hu xov tooj mus rau nws lub chaw ua hauj lwm.

Nyob rau ntu koj tseem so raws li txoj cai FMLA. Yog tias tus neeg ua hauj lwm qhov FMLA so ho hloov lawm, lub chaw ua hauj lwm kuj yuav kom tus neeg ua hauj lwm ceeb toom mus rau lub chaw ua hauj lwm. Piv txwv li, lub chaw ua hauj lwm kuj yuav kom tus neeg ua hauj lwm ceeb toom rau lub chaw ua hauj lwm paub yog tus kws kob mob pom tau tias tus neeg ua hauj lwm muaj peev xwm rov qab mus ua tua hauj lwm ntxov dua li qhov tau teem tseg. Lub chaw ua hauj lwm kuj xav kom tus neeg ua hauj lwm qhia lub chaw ua hauj lwm seb nws puas tau zoo tsis pub tu ncuva thiab thaum twg thiaj rov mus ua tau hauj lwm.

KEV TSIS CEEB TOOM KOM RAW S CAIJ

Thaum ib tug neeg ua hauj lwm tsis ceeb toom rau nws lub chaw ua hauj lwm raws li cov caij ceeb toom los sis ceeb toom tsis meej txog kev thov FMLA mus so, thiab tsis muaj laj thawj qhia txaus thov mus so, lub chaw ua hauj lwm yuav ncu qhov kev tso caij mus so, los sis nyob rau qee qhov, yuav tsis tso cia rau tus neeg ua hauj lwm siv FMLA mus. Lub chaw ua hauj lwm kuj muaj peev xwm zam qhov kev ceeb toom rau tus neeg ua hauj lwm.

Qhov uas lub chaw ua hauj lwm muaj peev xwm ncu kom qeeb txog kev tiv thaiv rau kev FMLA mus so yog cov pov thawj muaj los txiav txim. Piv txwv li, yog tias tus neeg ua hauj lwm yeej tuaj yeem ceeb toom rau lub chaw ua hauj lwm tib hnub uas nws muaj kev xav tau mus so ntawd, tab sis tus neeg ua hauj lwm ho tsis ceeb toom rau chaw ua hauj lwm tom qab ob hnub nws twb mus so, yog li nod lub chaw ua hauj lwm yuav ncu nws qhov FMLA mus ob hnub thiab.

Nyob rau txhua zaum, ib lub chaw hauj lwm yuav ncu los sis tsis tso cai mus so mas tsuas yog yeej paub mee lawm uas lub chaw ua hauj lwm tau hais qhia tus neeg ua hauj lwm txog qhov uas tus neeg ua hauj lwm yuav tau ceeb toom raws li txoj cai FMLA. Yog xav paub cov ntau ntawv ntau ntiv txog kev ceeb toom uas lub chaw ua hauj lwm yuav tsum muab txoj cai FMLA qhia rau cov neeg ua hauj lwm, saib hauv Daim Ntauv Qhia Qhov Tseeb #28D.

Piv txwv li:

- Talon paub thaum lub Xya Hli lawm tias nws qhov mob yuav tau mus kho mob pib thaum Cuaj Hlis Tim 30. Nws ceeb toom rau nws lub chaw ua hauj lwm thaum Cuaj Hlis Tim 15. Nyob rau qhov nov, lub chaw ua hauj lwm kuj yuav ncu Talon qhov thov FMLA mus so li 30 hnub kom mus txog thaum lub Kaum Hli Tim 15, vim hais tias Talon tuaj yeem ceeb toom tau, tab sis ho tsis ceeb toom, muab 30 hnub los ceeb toom ua ntej.
- Bill mus so tsis paub ua ntej vim qhov mob tswm sim ntiv rau tus mob nyaj uas nws muaj. Txawm tias nws yeej tuaj yeem ceeb toom tau rau nws lub chaw ua hauj lwm hnub uas nws pib mus so, nws ceeb toom rau lub chaw ua hauj lwm ob hnub tom qab twb mus so txog tias qhov tsis tuaj ua hauj lwm yog tus mob muaj kev tiv thaiv raws li txoj cai FMLA. Nyob rau qhov nov, lub chaw ua hauj lwm kuj yuav ncu qhov tso cai FMLA mus so li ob hnub.

COV KEV TIV THAIV NTIV

Cov Cai Hauv Xeev

- Qee lub xeev muaj kev cai tiv thaiv kev mus so tu ib tus neeg hauv tsev neeg thiab kev mus so vim muaj mob nkeeg. Txoj cai FMLA tsis txwv cov neeg ua hauj lwm kom tau txais kev tiv thaiv ntawm lwm cov cai. Cov neeg ua hauj lwm muaj cai tau txais kev pab ntawm txhua cov cai uas siv tau.

Kev Tiv Thaiv los ntawm Kev Ua Pauj

- Txoj cai FMLA yog tsoom fwm qhib siab ib txoj cai kev tiv thaiv neeg ua hauj lwm. Yuav txwv cov chaw ua hauj lwm tsis pub cuam tshuam, cheem, los sis txwv tsis pub siv txoj cai, tej kev muaj cai tiv thaiv ntawm txoj cai FMLA. Kev ua txhaum txoj cai FMLA los sis cov kev cai ntawm txoj cai FMLA yog kev cuam tshuam, cheem, los sis txwv tsis pub siv txoj cai uas muaj kev tiv thaiv ntawm txoj cai FMLA. Yog xav paub ntau ntxi txog kev txwv lub

chaw ua hauj lwm tsis pub cuam tshuam, saib hauv Daim Ntawv Qhia Qhov Tseeb #77B
thiab Daim Ntawv Hais Txog Kev Pab 2022-2.

Kev Suaj Ntsuam Txoj Cai

- Tsoom fwv lub chaw Saib Xyuas Nqi Dag Zog thiab Sij Hawm teg dej num yog los tswj txoj cai thiab suaj ntsuam txoj cai FMLA tiv thaiv cov neeg ua hauj lwm feem coob. Yog koj ntseeg tias tau muaj kev txhaum tsis raws li hauv txoj cai FMLA rau koj, koj muaj feem mus foob hais kev tsis ncaj ncees rau tsoom fwv lub chaw Saib Xyuas Nqi Dag Zog thiab Sij Hawm los sis mus foob lub chaw ua hauj lwm rau tim tsev txiav txim plaub ntug. Cov neeg ua hauj lwm hauv xeev yuav muaj qee yam kev txwv txiav txog kev foob uas ntsig txog rau kev mus so muaj mob loj ntawm tus kheej. Feem coob cov neeg ua hauj lwm tsoom fwv qib siab thiab cov neeg ua hauj lwm hauv cov chaw nom tswv kuj tau kev tiv thaiv raws txoj cai tab sis yog saib xyuas los ntawm lub chaw U.S. Office of Personnel Management los sis nom tswv Congress.

Yog Xav Paub Ntxiv

**Yog xav paub ntxiv, mus saib hauv www.dol.gov/agencies/whd/fmla los sis hu rau peb
tus xov tooj hu dawb thiab tus xov tooj kev pab: 866-487-9243.**

Daim ntawv qhia txog qhov tseeb no muaj lub hom phiaj los muab qhov tseeb qhia rau zej tsoom sawv daws txog cov nqe kev cai muaj nyob rau hauv txoj cai lij choj los sis cov cai tswj fwm ntawm tsoom fwv; cov ntaub ntawv nthuav qhia no yuav tsis muaj lub zog thiab feem yuam siv txoj cai lij choj, tsis txhais tau tias muaj feem yuam rau zej tsoom sawv daws, thiab yuav yog txhais ib yam li cov ntaub ntawv uas teev tseg hauv txoj cai.